

Izvještaj o radu MUP-a Kantona Sarajevo za januar - mart 2016.godine

KRIMINALITET

Kriminalitet na području Kantona Sarajevo u periodu Januar – Mart 2016. godine u odnosu na isti period prethodne godine, posmatrano kroz statističke pokazatelje, karakteriše smanjenje broja registrovanih krivičnih djela za 17,3%, prijavljenih lica za 18,8%, povratnika u činjenju krivičnih djela za 26,8% i lica lišenih slobode za 34%, dok je broj maloljetnih izvršilaca povećan za 13,6%. Ukupna rasvijetljenost krivičnih djela iznosila je 64,7% i manja je za 1,6%.

STATISTIČKI PRIKAZ KRIMINALITETA

U periodu Januar – Mart 2016. godine, registrovana su 1.232 krivična djela, što je za 258 djela ili 17,3% manje nego u periodu Januar – Mart 2015.godine.

U 418 slučajeva (33,9% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 814 krivičnih djela (ili 66,1%), prijavljeno je po nepoznatom izvršiocu, od kojih je 379 naknadno rasvijetljeno (ili 46,6% od ukupnog broja prijavljenih djela po nepoznatom izvršiocu).

Tokom izvještajnog perioda ukupno je rasvijetljeno 797 krivičnih djela ili 64,7% što je za 1,6% manje u odnosu na uporedni period.

Za izvršenje navedenih djela prijavljeno je 595 lica, od kojih je 368 povratnika u činjenju krivičnih djela (ili 61,8% prijavljenih), a 249 lica je lišeno slobode (ili 41,8%). U odnosu na uporedni period manji je broj prijavljenih lica za 138 (ili 18,8%), povratnika za 135 (ili 26,8%) i lica lišenih slobode za 128 (ili 34%), dok je povećan broj maloljetnika tri (ili 13,6%).

OSNOVNI STATISTIČKI POKAZATELJI KRIMINALITETA U PERIODU JANUAR-MART 2016. GODINE

PERIOD	Broj krivičnih djela			Broj djela za koja su naknadno identifikovani osumnjičeni izvršioци		Broj prijavljenih lica			Lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR - MART 2016.	1232	418	814	379	185	595	25	368	249
JANUAR - MART 2015.	1490	475	1015	513	220	733	22	503	377
<i>uporedba</i>	-258	-57	-201	-134	-35	-138	3	-135	-128
	-17,3%	-12%	-19,8%	-26,1%	-15,9%	-18,8%	13,6%	-26,8%	-34%

KRIVIČNA DJELA	Januar	Januar	uporedba		„rasvjetljenost“ Januar-Mart 2016.	
			+/-	%	broj	% rasvijtlj.
Protiv života i tijela	34	35	-1	-2,9%	33	97,1%
Protiv slobode i prava čovjeka i građanina	54	37	17	45,9%	53	98,1%
Protiv spolne slobode i morala	0	8	-8	---	0	---
Protiv braka, porodice i mladeži	55	76	-21	-27,6%	55	100%
Protiv zdravlja ljudi	70	77	-7	-9,1%	70	100%
Protiv privrede, poslovanja i sigur. platnog prometa	3	3	0	isto	3	100%
Iz oblasti poreza	1	0	1	---	1	100%
Protiv imovine	866	1071	-205	-19,1%	453	52,3%
Protiv okoliša, poljoprivrede i prirodnih dobara	2	1	1	100%	2	100%
Protiv opće sigurnosti ljudi i imovine	34	48	-14	-29,2%	18	52,9%
Protiv sigurnosti javnog prometa	23	25	-2	-8%	21	91,3%
Protiv pravosuđa	9	7	2	28,6%	9	100%
Protiv javnog reda i pravnog prometa	54	62	-8	-12,9%	52	96,3%
Protiv podmićivanja i krivična djela protiv službene i druge odgovorne dužnosti	3	7	-4	-57,1%	3	100%
Privrede i jedinstva tržišta te krivična djela iz oblasti carina (KZBiH)	1	2	-1	-50%	1	100%
ZONDINOIM-a (Sl.novine Kantona Sarajevo br.38/07)	23	31	-8	-25,8%	23	100%
UKUPNO	1.232	1.490	-258	-17,3%	797	64,7%

PREGLED KRIVIČNIH DJELA PO OBLASTIMA

KRIVIČNA DJELA PROTIV ŽIVOTA I TIJELA

U periodu Januar – Mart 2016. godine prijavljena su 34 krivična djela protiv života i tijela (jedno manje u odnosu na Januar - Mart 2015.godine).

Zbog postojanja osnova sumnje da su počinili djela iz ove oblasti podneseni su službeni izvještaji protiv 32 lica (osam manje), od čega je 11 povratnika u činjenju krivičnih djela ili 34,4%, a 12 je lišeno slobode (sedam manje).

Evidentirana su slijedeća krivična djela: ubistvo u pokušaju – dva (isti broj djela), teška tjelesna ozljeda – 22 (šest više), lahka tjelesna ozljeda – pet (devet manje) i učestvovanja u tuči – četiri djela (tri više).

Ukupno su rasvijetljena 33 ova djela ili 97,1% i za sada je nerasvijetljeno jedno djelo lakih tjelesnih ozljeda.

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirana su 54 djela (17 više) i to: - ugrožavanje sigurnosti – 49, narušavanje nepovrerdivosti doma - tri i protupravno lišenje slobode - dva djela, a zbog izvršenja navedenih djela prijavljeno je 51-no lice od kojih su 32 povratnika u činjenju krivičnih djela (ili 62,7%), a 13 je lišeno slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl.

UPOREDNI POKAZATELJI BROJA REGISTROVANIH KRIVIČNIH DJELA UGROŽAVANJE SIGURNOSTI IZ ČLANA 183. KZ FBiH-a PO MJESECIMA U PERIODU JANUAR – MART 2016/15. GODINE

UGROŽAVANJE SIGURNOSTI (ČLAN 183. KZ FBiH-a)	JANUAR	FEBRUAR	MART	JANUAR –MART 2016/15. GODINE
JANUAR – MART 2016. GODINA	16	12	21	49
JANUAR – MART 2015. GODINA	13	8	14	35
<i>UPOREDBA</i>	3	4	7	14

KRIVIČNA DJELA PROTIV BRAKA, PORODICE I MLADEŽI

U ovoj oblasti registrovano je 55 krivičnih djela (21-no manje) i to: nasilje u porodici - 52, oduzimanje djeteta ili maloljetnika, zapuštanje ili zlostavljanje djeteta ili maloljetnika i izbjegavanje izdržavanja - po jedno djelo. Službeni izvještaji podneseni su protiv 54 lica od kojih je 28 povratnika ili 51,9%, a 29 je lišeno slobode.

UPOREDNI POKAZATELJI BROJA REGISTROVANIH KRIVIČNIH DJELA NASILJA U PORODICI IZ ČLANA 222. KZ FBiH-a PO MJESECIMA U PERIODU JANUAR – MART 2016/15. GODINE

NASILJE U PORODICI (ČLAN 222. KZ FBiH-a)	JANUAR	FEBRUAR	MART	JANUAR – MART 2016/15. GODINE
JANUAR – MART 2016. GODINA	9	21	22	52
JANUAR – MART 2015. GODINA	19	29	28	76
<i>UPOREDBA</i>	-10	-8	-6	-24

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 81-nog lica (tri više), zbog postojanja osnova sumnje da su počinili 70 krivičnih djela (sedam manje) i to:

- neovlašćena proizvodnja i stavljanje u promet opojnih droga – sedam djela (sedam manje)
- posjedovanje i omogućavanje uživanja opojnih droga – 63 djela (isti broj djela).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 20 lica zbog postojanja osnova sumnje da su u proteklom periodu neovlašćeno proizvodili, zatim kupovali opojnu („Amfetamin“, „Marihuanu“, „Heroin“, itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 61-nog lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Heroin“, „Ecstasy“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Zbog zloupotrebe opojnih droga 40 lica je lišeno slobode (12 manje).

S ciljem pronalazjenja narkotičkih sredstava izvršen je pregled 43 lica (šest manje), 20 stanova (pet više) i većeg broja automobila po usmenim naredbama Opštinskog suda u Sarajevu.

PREGLED ODUZETE OPOJNE DROGE

VRSTA OPOJNE DROGE	JANUAR-MART 2016. GODINE	JANUAR-MART 2015. GODINE
Marihuana (u gramima)	113,8	50
Marihuana (paketići)	156	30
Marihuana (JOINT - cigarete)	2	---
Heroin (paketići)	39	13
Amfetamin (u gramima)	64,2	919
Amfetamin (paketići)	38	34
Cannabis (stabljike)	---	15
Cannabis (sjeme)	3	---
Ecstasy (tablete)	20	117
Suboxone (tablete)	---	49
NN tablete	52	20
pribor sa ostacima droge (kom.)	8	18

KRIVIČNA DJELA PROTIV PRIVREDE, POSLOVANJA I
SIGURNOSTI PLATNOG PROMETA

Iz oblasti krivičnih djela protiv „privrede“ registrovana su tri krivična djela (isto) i to: obmana pri dobijanju kredita i drugih pogodnosti - dva djela i prijevara u privrednom poslovanju - jedno djelo za čije je izvršenje su prijavljena tri lica.

Takođe, od strane službenika Odjeljena za privredni kriminal tokom prva tri mjeseca 2016. godine, zadokumentovana su i krivična djela koja su u vezi sa „privrednim kriminalom“, a svrstana su u druge Glave KZFBiH-a i KZ BiH-a i to:

- krivotvorenje isprave - tri djela, zloupotreba položaja ili ovlašćenja nesavjestan rad u službi, prijevara i ovjeravanje neistinitog sadržaja – po jedno djelo, a koja su prijavljena u prom tromjesečju 2016. godine, nastupila je materijalna šteta u ukupnom iznosu od 113.370,38 KM.

KRIVIČNA DJELA PROTIV IMOVINE

U oblasti krivičnih djela protiv imovine registrovano je 866 krivičnih djela što je za 205 ili 19,1% manje u odnosu na uporedni period.

Najbrojnija djela iz ove oblasti su: teške krađe – 527 djela (45 manje), krađe – 101 (64 manje), razbojništva – 157 (18 manje), oštećenje tuđe stvari – 28 (25 manje), teška krađa u pokušaju – osam (15 manje), prikriivanje – osam (jedno manje), prijevara – četiri (20 manje), itd.

Ukupno su 453 djela iz ove oblasti rasvijetljena ili 52,3% što je za 3,3% manje.

Objekti napada pri vršenju krivičnih djela protiv imovine najčešće su bila motorna vozila (otuđenja pmv i “provale” u ista) - 252 puta (jedno više), stambeni objekti – 150 (13 manje), poslovni prostori i prodavnice – 104 (22 manje), itd., pri čemu su otuđivana motorna vozila, novac, nakit, tehnička roba, cigarete, prehrambeni proizvodi, građevinski materijal, itd.

U prva tri mjeseca ove godine na području Kantona Sarajevo izvršeno je 188 krivičnih djela teških krađa motornih vozila, od čega su 64 ili 34% vraćena (od strane policije MUP Kantona Sarajevo vraćeno je 29 vozila, MUP RS-a – tri, drugih MUP-ova i uz novčano naknadu - po dva i 28 vozila vlasnici su sami pronašli).

U odnosu na uporedni period broj otuđenih vozila povećan je za 22 ili 13,3%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 17 lica (isti broj).

Na području Kantona Sarajevo u prvom tromjesečju 2016. godine registrovano je 157 djela razbojništva (18 manje).

Razbojništva su počinjena u prodavnicama - 86 puta (13 više), u sportskim kladionicama – 17 (10 manje), na ulici – 37 puta (pet manje), na benzinskim pumpama - pet (12 manje), itd.

Navedena djela izvršena su prijetnjom upotrebe vatrenog oružja – 87 puta (šest manje), prijetnjom i upotrebom noža ili drugog oštrog predmeta (komad stakla, šrafciğer i sl.) – 44 (dva manje) i upotrebom fizičke snage - 26 puta (deset manje). Otudivan je novac, zlatni nakit, mobiteli, fotoaparati, itd.

Ukupno je rasvijetljeno 70 ovih djela ili 44,6% što je za 11,4% manja rasvijetljenost ovih djela u odnosu na isti period 2015. godine.

Broj teških krađa na naročito opasan ili naročito drzak način u periodu Januar-Mart 2016. godine u odnosu na uporedni period ostao je isti. Naime, evidentirano je 41-no ovo djelo u kojima su izvršiocci, upotrebom fizičke snage – 29 puta, te verbalnom prijetnjom u 12 slučaja, otimali mobitele, nakit i novac.

Za izvršenje ovih oblika teških krađa, prijavljeno je 11 lica, od kojih je devet povratnika (ili 81,8%), a sedam je lišeno slobode. Ukupno su rasvijetljena 22 ova djela ili 53,6% (17,1% manje).

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 34 djela (14 manje) i to: izazivanje opće opasnosti – 30 djela, nesavjesno čuvanje pasa i drugih opasnih životinja - tri i izazivanje opće opasnosti u pomaganju - jedno djelo.

Zbog postojanja osnova sumnje da su počinili ova djela nadležnom tužilaštvu podneseni su službeni izvještaji protiv 16 lica, od čega je 13 povratnika, a devet je lišeno slobode.

Krivična djela izazivanja opće opasnosti izvršena su 25 puta na otvorenom prostoru, tri puta u ugostiteljskom, te u stambenom objektu i prodavnicama - po jednom. U osam slučaja pucano je iz vatrenog oružja, 18 puta je otvorenim plamenom izazvan požar i u četiri slučaja aktivirana je nepoznata eksplozivna naprava. Posljedica izvršenja navedenih djela je ranjavanje tri lica, nastala materijalna šteta i uznemirenost građana.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 54 krivična djela (osam manje) i to: nasilničko ponašanje - 22 djela (sedam manje), nedozvoljeno držanje oružja ili eksplozivnih materija – 11 (šest manje), napad na službenu osobu u vršenju poslova sigurnosti – devet (pet više), krivotvorenje isprave – sedam (dva više), sprječavanje službene osobe u vršenju službene radnje - dva (dva manje), itd.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 63 lica, od kojih je 35 povratnika ili 55,6%, a 31-no je lišeno slobode.

KRIVIČNA DJELA POČINJENA OD STRANE MALOLJETNIH IZVRŠILACA

U periodu Januar- Mart 2016. godine **prijavljeno je 25 maloljetnika** zbog osnova sumnje da su **izvršili 63 krivična djela**. U poređenju sa istim periodom 2015. godine, broj krivičnih djela za čije izvršenje su prijavljena maloljetna lica povećan je za 30 ili 90,9%, a broj prijavljenih maloljetnih učinilaca ovih djela povećan je za tri ili 13,6%.

Pregled broja maloljetnih izvršilaca krivičnih djela za period Januar-Mart 2016. godine,
prema starosnoj strukturi

Starosna dob maloljetnika	do 14 god.	od 14 do 16 god.	od 16 do 18 god.	ukupno
Broj maloljetnih izvršilaca	2	12	11	25

Među maloljetnim učiniocima krivičnih djela, najveći broj je u dobi do 16 godina, dok je povratnika u izvršenju krivičnih djela bilo 10 (ili 40%).

Najbrojnija krivična djela za čije izvršenje su prijavljeni maloljetnici su djela **protiv imovine - 56 (ili 88,9%)**, pri čemu prevladavaju **razbojništva (25)** i teške **krađe (19)**. Karakteristično je da je u odnosu na isti period prošle godine, znatno povećan broj teških krađa i razbojništava, kao i krivičnih djela nanošenja teških tjelesnih povreda.

Pored toga, policijski službenici su podnijeli tri službena izvještaja protiv maloljetnih lica zbog osnova sumnje da su izvršili krivično djelo nanošenje teške tjelesne povrede i po jedan izvještaj zbog nasilničkog ponašanja, izazivanja opće opasnosti, nasilja u porodici i ugrožavanja sigurnosti.

Pregled registrovanih krivičnih djela izvršenih od strane maloljetnih lica u periodu Januar-Mart 2016/2015. godine

Naziv krivičnog djela	Januar-Mart 2016.	Januar-Mart 2015.	+ - %
<i>Teška tjelesna povreda</i>	3	1	+200,0
<i>Lahka tjelesna povreda</i>		2	-100,0
<i>Ugrožavanje sigurnosti</i>	1		
<i>Prinuda na spolni odnošaj</i>		1	-100,0
<i>Nasilje u porodici</i>	1	3	-66,7
<i>Posjedov. i omoguć. uživanja opoj. droga</i>		2	-100,0
<i>Krađa</i>	5	6	-16,7
<i>Teška krađa</i>	19	3	+533,3
<i>Teška krađa-pokušaj</i>	2		
<i>“Drška “ krađa</i>	3	5	-40,0
<i>Razbojništvo</i>	25	7	+257,1
<i>Razbojnička krađa</i>	1		
<i>Razbojništvo-pokušaj</i>		1	-100,0
<i>Oštećenje tuđe stvari</i>	1		
<i>Izazivanje opće opasnosti</i>	1		
<i>Nasilničko ponašanje</i>	1	2	-50,0
<i>ukupno</i>	63	33	+90,9

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U periodu Januar-Mart 2016. godine na području Kantona Sarajevo registrovana su četiri slučaja aktiviranja minsko-eksplozivnih sredstava (u uporednom periodu šest) koji su za posljedicu imali materijalnu štetu na stambenim i poslovnim objektima, kao i na putničkim vozilima.

Policijski službenici su identifikovali lica koja su aktivirala eksplozivne naprave u dva slučaja i protiv njih su podneseni službeni izvještaji nadležnom tužilaštvu, zbog osnova sumnje da su počinili krivično djelo iz člana 323 KZFBiH (izazivanje opće opasnosti). U toku su aktivnosti na pronalaženju izvršilaca koji su izazvali preostale dvije eksplozije.

U proteklom tromjesečju registrovana je jedna anonimna dojava o postavljenoj eksplozivnoj napravi (dvije u uporednom periodu), a odnosila se na Univerzitet Burch na Ilidži. Nakon KDZ pregleda utvrđeno je da je dojava bila lažna.

POŽARI

Tokom prvog tromjesečja 2016. godine, na području Kantona Sarajevo registrovano je 38 požara (sedam manje) koji su za posljedicu imali materijalnu štetu.

Prema statističkim pokazateljima, 24 požara su izazvana namjerno, dva nehatom, dva zbog tehničkih nedostataka, dok uzroci 10 požara spadaju u kategoriju ostalih.

Zbog izazivanja požara nadležnom tužilaštvu je podneseno 19 službenih izvještaja: 18 iz člana 323 KZ FBiH (izazivanje opće opasnosti) i jedan iz člana 301 KZ FBiH (paljevina).

SAMOUBISTVA

U prva tri mjeseca 2016. godine na području Kantona Sarajevo registrovano je devet samoubistava (pet više), izvršenih na sljedeće načine: vješanjem – četiri puta, skakanjem sa visine – tri puta, upotrebom vatrenog oružja – jednom i presijecanjem vena – jednom.

Prema spolu, izvršioci su pet muškaraca i četiri žene. Starosna dob muškaraca je sljedeća: 39, 50, 52, 59 i 76 godina, dok je starosna dob žena: 29, 42, 51 i 58 godina.

JAVNI RED I MIR

U periodu Januar-Mart 2016. godine zbog raznih oblika narušavanja javnog reda i mira policijski službenici su uručili/podnijeli **1.512 prekršajnih naloga i zahtjeva** za pokretanje prekršajnog postupka (naloga- 1.281, zahtjeva-231), što u odnosu na isto tromjesečje 2015. godine predstavlja povećanje za 71 ili 4,9%. Prekršajne sankcije preduzete su **protiv 1.560 lica** (33 ili 2,2% više).

Na prekršaje utvrđene Zakonom o prekršajima protiv javnog reda i mira odnosi se 1.385, dok se 127 naloga i zahtjeva odnosi na prekršaje koji su regulisani Odlukom općinskih vijeća.

Najveći broj prekršajnih sankcija odnosi se na prekršaje učinjene **prosjačenjem** (60,8%).

Tabelarni pregled broja uručenih/podnesenih naloga i zahtjeva za period Januar-Mart 2016. godine

period	prekršajni nalozi	zahtjevi za ppp	ukupno
Januar	318	90	408
februar	498	62	560
Mart	465	79	544
ukupno	1.281	231	1.512

Od ukupnog broja prekršajnih sankcija, 293 ili 19,4% odnosi na lica koja su i ranije činila prekršaje (povratnici), 13 na maloljetna lica, a jedna na strane državljane.

Najveći broj učinilaca prekršaja je u starosnoj dobi **preko 36 godina -907**, zatim između 26 i 35 godina- **384** i između 19 i 25 godina- **255**, dok je maloljetnih lica bilo **14**. Maloljetnici su u najvećem broju slučajeva sankcionisani zbog učestvovanja u tučama (šest), a lica starosne dobi preko 36 godina najbrojniji su u prekršajima učinjenim prosjačenjem (599).

Prilikom narušavanja javnog reda i mira u periodu Januar-Mart 2016. godine, u slučajevima kada se radilo o prekršajima, nije bilo **teže povrijeđenih lica** (kao ni u istom periodu 2015. godine), dok je **lakše povrijeđeno 41** lice (28 ili 40,6% manje).

Od ukupno 1.512 prekršaja protiv javnog reda i mira, najbrojnija su **prosjačenja -919** (ili 60,8%); odbijanje naređenja i omalovažavanje policijskih službenika **-137** (ili 9,1%); tuče **-97** (ili 6,4%); naročito drsko ponašanje - **87** (ili 5,8%); svađa, vika i nepristojno ponašanje **-18**, paljenje petardi - **1**, uživanje opojne droge na javnom mjestu – **1**, te ostali prekršaji iz Zakona o prekršajima protiv javnog reda i mira - **125**. Na prekršaje utvrđene Odlukom općinskih vijeća odnosi se **127 naloga i zahtjeva**.

Struktura prekršaja iz oblasti javnog reda i mira za period Januar- Mart 2016/2015. godine

STRUKTURA PREKRŠAJA	Januar-Mart	Januar-Mart	+ - %
---------------------	-------------	-------------	-------

	2016	2015.	
-Tuča	97	127	-23,6
-Naročito drsko ponašanje	87	124	-29,8
-Odbijanje naređenja i omalovažavanjem pol.sl.	137	93	+47,3
-Prosjačenje	919	800	+14,9
-Svađa, vika, nepristojno ponašanje	18	20	-10,0
-Paljenje petardi	1	6	-83,3
-Uživanje opojne droge na javnom mjestu	1	3	-66,7
-Ostali prekršaji iz Zakona o pr.protiv JRiM	125	169	-26,0
Prekršaji prema odluci OV o JRiM	127	99	+28,3
Ukupno	1.512	1.441	+4,9

U odnosu na isti period 2015. godine, u proteklom tromjesečju **povećan** je broj prekršajnih sankcija zbog narušavanja javnog reda i mira odbijanjem naređenja i omalovažavanjem policijskih službenika, te prosjačenjem, a povećan je i broj prekršaja koji su regulisani Odlukom općinskih vijeća o javnom redu i miru, dok je u svim ostalim slučajevima došlo do smanjenja broja prekršaja.

Prema mjestu izvršenja, a na osnovu broja uručenih naloga i podnesenih zahtjeva, najveći broj prekršaja učinjen je **na ulici** i na drugim otvorenim prostorima **-1.381** (ili 91,3%), a znatno manje na ostalim mjestima:

- ugostiteljski objekti - 60 prekršaja;
- sportski stadioni i dvorane -7;
- škole i školska dvorišta -7;
- trgovinske i zanatske radnje -3;
- vozila javnog saobraćaja -1 i
- ostala mjesta -53.

Broj prekršaja iz oblasti javnog reda i mira prema mjestu izvršenja
za period Januar-Mart 2016./2015. godine

MJESTO IZVRŠENJA	Januar-Mart 2016.	Januar-Mart 2015.	+ - %
Ulica i drugi otvoreni prostor	1.381	1.221	+13,1
Ugostiteljski objekti	60	67	-10,4
Sportski stadioni i dvorane	7	10	-30,0
Vozila javnog saobraćaja	1	3	-66,7
Škole i školska dvorišta	7	7	0,0
Trgovinske i zanatske radnje	3	9	-66,7
Ostala mjesta	53	124	-57,3
UKUPNO	1.512	1.441	+4,9

U proteklom tromjesečju ove godine, u odnosu na isti period 2015. godine, povećan je samo broj prekršaja izvršenih na ulici i drugim otvorenim prostorima, u školama je ostao isti, dok je na svim ostalim mjestima broj prekršaja smanjen.

Pored prekršajnih sankcija zbog prekršaja izvršenih u školama i školskim dvorištima, policijski službenici su zbog krivičnih djela izvršenih na ovom lokalitetu, nadležnom tužilaštvu podnijeli **dva službena izvještaja** (u istom periodu 2015. godine pet) i to zbog krivičnih djela: nanošenje teške tjelesne povrede i krađa.

Policijski službenici su učestvovali u **osiguranju 342 javna skupa** koji su održani na području Kantona Sarajevo u proteklom tromjesečju (135 više u odnosu na prvo tromjesečje 2015. godine), a u 90 slučajeva izvršeno je KDZ osiguranje ovih skupova (39 više). Svi skupovi protekli su bezbjedno i bez narušavanja javnog reda i mira.

SAOBRAĆAJ

Tokom prvog tromjesečja 2016. godine, stanje sigurnosti saobraćaja karakteriše povećanje ukupnog broja saobraćajnih nezgoda, nezgoda sa materijalnom štetom i nastradalim licima, te broja nastradalih lica.

Registровано je 2.589 saobraćajnih nezgoda (60 ili 2,4 % više), 2.393 sa materijalnom štetom (47 ili 2 % više) i 196 sa nastradalim licima (13 ili 7,1 % više).

U naselju je registrovano 2.440 saobraćajnih nezgoda (pet sa poginulim, 176 sa povrijeđenim licima i 2.259 sa materijalnom štetom), van naselja 149 nezgoda (jedna sa poginulim, 14 sa povrijeđenim licima i 134 sa materijalnom štetom).

Registровано je 616 saobraćajnih nezgoda na raskrsnicama u naselju, 20 na raskrsnicama van naselja, šest na pješačkom prelazu, šest na nadvožnjaku, četiri na mostu i 1.937 saobraćajnih nezgoda čije se karakteristike puta ubrajaju u kategoriju ostalih.

U saobraćajnim nezgodama na području Kantona Sarajevo 289 lica je nastradalo (34 ili 13,3 % više). Šest lica je poginulo (četiri ili 200 % više), dok su 283 lica povrijeđena (30 ili 11,8 % više), 49 teže i 234 lakše.

Među poginulim licima, evidentirana su četiri pješaka (dva više) i dva vozača (u uporednom periodu nijedan).

Od ukupno 283 povrijeđena lica, 127 je vozača (26 više), 91 putnik (isto) i 65 pješaka (četiri više). Kada je u pitanju stepen povreda, 16 vozača je teže, a 111 lakše povrijeđeno, osam putnika je teže, a 83 lakše povrijeđena, dok je 25 pješaka teže i 40 lakše povrijeđeno.

Uporedni pokazatelji saobraćajnih nezgoda i posljedica na području Kantona Sarajevo
Januar-Mart 2016/2015. godine

	2016	2015	+,-,%
UKUPNO SAOBRAĆAJNIH NEZGODA	2.589	2.529	+ 60 ili 2,4 %
Saobraćajne nezgode sa nastradalim licima	196	183	+ 13 ili 7,1 %
Saobraćajne nezgode sa materijalnom štetom	2.393	2.346	+ 47 ili 2 %
POGINULO LICA	6	2	+ 4 ili 200 %
- vozači	2	0	+ 2
- putnici	0	0	-----
- pješaci	4	2	+ 2 ili 100 %
POVRIJEĐENO LICA	283	253	+ 30 ili 11,8 %
- vozači	127	101	+ 26 ili 25,7 %
- putnici	91	91	isto
- pješaci	65	61	+ 4 ili 6,5 %

Broj nastradalih lica u saobraćajnim nezgodama po kategoriji učesnika
Januar-Mart 2016/2015. godine

	POGINULI			TEŠKO POVRIJEĐENI			LAKŠE POVRIJEĐENI		
	2016	2015	+,-,%	2016	2015	+,-,%	2016	2015	+,-,%
VOZAČI	2	0	+ 2	16	6	+ 10 ili 166,7 %	111	95	+ 16 ili 16,8 %
PUTNICI	0	0	-----	8	9	- 1 ili 11,1 %	83	82	+ 1 ili 1,2 %
PJEŠACI	4	2	+ 2 ili 100 %	25	21	+ 4 ili 19 %	40	40	isto
UKUPNO	6	2	+ 4 ili 200 %	49	36	+ 13 ili 36,1 %	234	217	+ 17 ili 7,8 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 52 lica, od 21 do 24 godine – 45 lica, 51 do 65 godina – 44, od od 41 do 50 godina – 38 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 2.122 (pet lica poginulo, 161 lice povrijeđeno), neprilagođena brzina- 428 (102 lica povrijeđena), uticaj alkohola – 31 (jedno lice poginulo, 17 lica povrijeđeno), klizav put – sedam (bez nastradalih lica), uticaj opojnih droga – jedna saobraćajna nezgoda (tri lica povrijeđena).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po PU Januar-Mart 2016/2015 godine

2016/2015	GODINA	UKUPNO	I PU	II PU	III PU	IV PU	V PU	Jedinica za saobrać.
broj kontrolisanih vozila	2016	70.208	16.919	9.861	9.262	10.879	5.247	18.040
	2015	58.384	13.172	7.192	9.807	10.620	3.283	14.310
broj uručenih prekršajnih naloga	2016	58.297	15.286	9.315	3.967	3.466	1.865	24.398
	2015	45.991	11.572	7.582	2.291	2.627	1.643	20.276
broj podnesenih zahtjeva za p.p.p.	2016	202	10	6	59	102	20	5
	2015	223	26	6	67	93	18	13
broj isključenih vozila iz saobraćaja zbog tehničke neispravnosti	2016	268	0	18	0	0	1	249
	2015	248	0	5	0	1	2	240
broj vozača zatečenih da upravljaju vozilom pod dejstvom alkohola	2016	1.362	447	126	72	98	165	454
	2015	1.037	325	171	45	55	100	341
broj vozača zatečenih da upravljaju vozilom bez korištenja sigurnosnog pojasa	2016	1.652	665	187	419	231	150	0
	2015	1.604	454	609	229	217	95	0
broj vozača zatečenih da upravljaju vozilom bez položenog vozačkog ispita	2016	713	232	94	52	54	84	197
	2015	581	178	90	23	82	32	176
broj vozila otkrivenih da učestvuju u saobraćaju bez važeće registracije	2016	730	167	97	50	119	67	230
	2015	527	96	75	18	69	42	227

U sklopu redovnih aktivnosti, službenici policije su kontrolisali ukupno 70.208 vozila (11.824 više).

Zbog tehničke neispravnosti, iz saobraćaja je isključeno 268 vozila (20 više), 1.362 vozača su zatečena da upravljaju vozilom pod dejstvom alkohola (325 više), 1.652 bez korištenja sigurnosnog pojasa (48 više), 713 bez položenog vozačkog ispita (132 više), a 730 vozača je učestvovalo u saobraćaju bez važeće registracije (203 više).

Zbog kršenja propisa iz oblasti sigurnosti saobraćaja uručeno je 58.297 prekršajnih naloga vozačima (12.306 više), podnesena 202 zahtjeva za pokretanje prekršajnog postupka (21 manje) i registrovana 23 krivična djela zbog ugrožavanja sigurnosti javnog prometa (dva manje).

MIRUJUĆI SAOBRAĆAJ I KONTROLA PJEŠAKA

Tokom prvog tromjesečja 2016. godine, pripadnici Uprave policije su uručili 26.182 prekršajna naloga vozačima koji nisu poštivali saobraćajne propise prilikom parkiranja (8.466 više u odnosu na isti period prošle godine), upozorili 1.520 vozača (360 više), a specijalnim vozilom „pauk“ su premjestili 629 vozila (72 manje). Zahtjeva za pokretanje prekršajnog postupka nije bilo.

Takođe, pješacima koji su kršili propise uručen je 781 prekršajni nalog (363 više), a upozoreno je 428 pješaka (51 više).

ZAKONITOST U RADU

U periodu Januar-Mart 2016. godine, registrovano je devet napada (pet više) na policijske službenike: Četvrta PU – četiri, Prva PU – dva, Druga PU – dva i Treća PU – jedan napad. U napadima je učestvovalo 11 punoljetnih lica koja su lišena slobode.

Policijski službenici su u devet slučajeva opravdano upotrijebili silu (četiri više):

Tokom prvog tromjesečja 2016. godine razmatrana je 81 predstava na rad službenika policije među kojima je za 36 predstavki (15 više) data saglasnost za sprovođenje unutrašnjih istraga, za 44 predstavke je donesen zaključak da su neosnovane, dok je za jedan slučaj odlučeno da se dostavi obavijest policijskoj upravi.

Postupano je po 16 predstavki iz ranijeg perioda, tako da su razmatrane ukupno 52 predstavke (tri manje).

Okončano je 37 unutrašnjih istraga među kojima je 19 bilo bez dovoljno dokaza, u sedam slučajeva predstavka je osnovana, u pet slučajeva neosnovana, u pet slučajeva stranka je odustala od žalbe, dok je u jednom slučaju predstavka oslobađajuća.

. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE (Sl.novine Kantona Sarajevo br.38/07)

U periodu Januar – Mart 2016. godine evidentirana su 23 krivična djela koja su regulisana Zakonom o nabavljanju, držanju i nošenju oružja i municije (osam manje), počinjenih od strane 26 izvršioca, od kojih je 10 lišeno slobode.

Od strane Policijskih uprava fizičkim licima izdata su 262 odobrenja za nabavku vatrenog oružja (tri manje) i 336 oružnih listova (117 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeto je: 18 pištolja, sedam pušaka, 58 „noževa, mačeva, sablji i sl.“, dva boksera, četiri ručne bombe, 1.791 kom. municije različitog kalibra, itd.

RAD POLICIJE U ZAJEDNICI

U okviru Rada policije u zajednici u proteklom tromjesečju ove godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.

Između niza aktivnosti koje su provođene u cilju što uspješnije realizacije Rada policije u zajednici i unapređenja saradnje sa društvenom zajednicom u proteklom periodu izdvajamo sljedeće:

- Nastavljene su aktivnosti u sklopu realizacije aktivnosti iz „Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.“ pri čemu su realizovane sljedeće aktivnosti:
 - sačinjen prijedlog projekta "Stop vršnjačkom nasilju" - Šta da radim?
 - sačinjeni prijedlozi, primjedbe i sugestije na Dopunu "Akcijskog plana za prevenciju maloljetničkog prijestupništva i rad sa maloljetnicima u sukobu sa zakonom 2014-2016.“,
 - sačinjen spisak RPZ projekata prevencije međuvršnjačkog nasilja,
- Nastavljena je saradnja sa UG "Sarajevski otvoreni centar", na provođenju projekta "Coming out" i drugim projektima od zajedničkog značaja.
- Dana 14.01.2016. godine u organizaciji Centra za razvoj i afirmaciju kulture i obrazovanja "Litteratus - Student" održano je predavanje na temu "BiH na putu prema NATO-u, kojem su prisustvovali i predstavnici MUP-a KS,
- Takođe, izvršena je priprema sadržaja predavanja i pitanja sa tačnim odgovorima u vezi održavanja Permanentne obuke u 2016. godini za policijske službenike od čina "Policajac" do čina "Mlađi inspektor",
- Popunjen je upitnik za prikupljanje informacija i drugih pokazatelja u vezi implementacije "Strategije za borbu protiv nasilja nad djecom 2012-2015", a za period 2014-2015. godina.
- Sačinjen je Izvještaj o provođenju smjernica za postupanje u slučaju nasilja nad djecom u BiH i dostavljen Odjelu za posebne namjene.
- Organizovano je predavanje za učenike Srednje građevinsko-geodetske škole na temu "Problem vršnjačkog nasilja u školi".
- Pripremljen je odgovor za Vijeće roditelja osnovnih i srednjih škola Stari Grad Sarajevo u vezi prisustvovanja predavanju na temu "Prepoznavanje i postupanja u slučaju nasilja nad djecom".

- Pripremljen je odgovor za regionalni projekat pod nazivom "Pointpuls", koji provodi Centar za sigurnosne studije BiH.
- Sačinjen Izvještaj o prisustvu na treningu u Centru za obuku za podršku mirovnim operacijama BiH i radionici na temu "Angažiranje civilnog društva protiv nasilnog ekstremizma".
- Pripremljena je Informacija za Instituciju Ombudsmena za ljudska prava BiH u cilju izrade Specijalnog izvještaja o pravima LGBT osoba u BiH, a u skladu sa Zaključkom Parlamentarne skupštine BiH, itd.

POSLOVI ADMINISTRACIJE

U okviru utvrđene organizacije Uprave, poslovi iz nadležnosti organizacionih jedinica vrše se u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo i utvrđenih radnih mjesta koja obavljaju državni službenici i namještenici.

SUQ

Od strane Ureda za kvalitet Kantona Sarajevo dostavljene su brošure sa najavom nadzornog audita za 2016.g. Konstantno se radi na monitoringu primjene Standarda ISO 9001, odnosno da li je sistem upravljanja kvalitetom održavan i unapređivan.

1. INSPEKTORAT

U Inspektoratu za zaštitu od požara, nadzor nad agencijama za zaštitu ljudi i imovine i unutrašnjim zaštitarskim službama i nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava u skladu sa donesenim godišnjim programima vršenja inspeksijskog nadzora izvršeni sljedeći nadzori:

-Od strane inspektora za nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava izvršen su redovni inspeksijski nadzori nad radom Odjeljenja za administraciju Ilidža i Trnovo i Odjeljenja putnih isprava. Takođe shodno planu vršenja inspeksijskih nadzora za 2016. godinu, inspektori za nadzor nad primjenom propisa u oblasti matičnih knjiga, JMB-a, prebivališta, ličnih karata i putnih isprava izvršili su 8 nadzora u matičnim uredima kako je predviđeno godišnjim planom vršenja nadzora. U izvještajnom periodu doneseni su planovi vršenja nadzora u matičnim uredima, Centrima za socijalni rad i plan vršenja nadzora u Odjeljenjima za administraciju MUP-a Kantona Sarajevo. Također, inspektori su održali jednu edukaciju za uposlenike MUP-a Kantona Sarajevo, a koja se odnosi na primjenu propisa u oblasti prebivališta, te su prisustvovali seminaru u Agenciji za državnu službu na temu matični registar.

Shodno Pogramu vršenja inspeksijskog nadzora nad agencijama, mikrokreditnim organizacijama, kasinima i automat klubovima, mjenjačnicama i kladionicama, inspektori za nadzor nad radom agencija za zaštitu ljudi i imovine i unutrašnjim zaštitarskim službama su u periodu Januar-Mart 2016. godine izdali 83 prekršajna naloga sa izrečenim novčanim kaznama u iznosu od 118.800,00KM.

Također u izvještajnom periodu su shodno godišnjem planu vršenja inspeksijskih nadzora izvršili 6 nadzora u agencijama za zaštitu ljudi i imovine. Također u navedenom periodu donijeli su 10 rješenja o naganju mjera, te donijeli 2 zapisnika o utvrđivanju uslova za rad unutrašnje službe zaštite.

Inspektori za zaštitu od požara su u izvještajnom periodu izvršili 86 inspeksijskih pregleda i to:

- 46 redovnih
- 22 inspeksijska pregleda po zahtjevu stranke
- 18 kontrolnih inspeksijskih pregleda

U izvještajnom periodu donesena su 42 rješenja

Poslano je 9 (devet) obavijesti, 2 zahtjeva za dostavu informacije i podataka.

U izvještajnom periodu inspektori za zaštitu od požara su izdali 38 prekršajnih naloga sa izrečenim novčanim kaznama u iznosu od 91.940, 00 KM.

SEKTOR ZA ADMINISTRACIJU

Pisarnica

Ukupno evidentirano-protokolisano 17884 predmeta i akata

Odjeljenje za pravne i kadrovske poslove i koordinaciju

U oblasti upravnog rješavanja, po zahtjevu stranke i službenoj dužnosti, ukupno je zaprimljeno 1229 predmeta (36,7% više u odnosu na isti period 2015.g - 899 predmet), od čega 93 upravnih i 1136 predmeta van upravnog postupka.

Koordinacija

- Obradeno je **61 izvještaja o radu** sektora i odjeljenja, Uprave administracije i podrške u cilju izrade mjesečnih i drugih periodičnih izvještaja o radu.
- Zaprimljeno je **75 naloga** za aktivnosti na zaduživanju mobilne stanice, čuvanju i korištenju iste u skladu sa važećom Instrukcijom.
- Organizovana je **distribucija dokumenata, kancelarijskog i potrošnog materijala** za potrebe svih odjeljenja Sektora za administraciju, pri čemu su vođene evidencije zaduženja.

Putne isprave

Izdato je 18235 pasoša.

Odjeljenja za administraciju:

Lična dokumenta - obrađeni zahtjevi za izdavanje dokumenata

- Lične karte 8322
- Vozačke dozvole 6163

Odjeljenje za odnose sa javnošću MUP-a Kantona Sarajevo

